

湘軍

10

人物傳 圖 錄



國家清史編纂委員會·文獻叢刊

國家清史編纂委員會·文獻叢刊

湘軍

10

人物傳
圖
錄

朱漢民 丁平一 主編
丁平一 楊錫貴 點校

 社會科學文獻出版社
SOCIAL SCIENCES ACADEMIC PRESS CHINA

圖書在版編目(CIP)數據

湘軍：全10卷/朱漢民，丁平一主編。—北京：社會科學文獻出版社，2013.12

(國家清史編纂委員會·文獻叢刊)

ISBN 978-7-5097-4618-9

I. ①湘… II. ①朱…②丁… III. ①湘軍-史料
IV. ①E295.2

中國版本圖書館 CIP 數據核字 (2013) 第 098688 號

國家清史編纂委員會
湘軍·第十卷



主編 / 朱漢民 丁平一
顧問 / 劉泱泱
點校 / 丁平一 楊錫貴

出版人 / 謝壽光

出版者 / 社會科學文獻出版社

地址 / 北京市西城區北三環中路甲 29 號院 3 號樓華龍大廈

郵政編碼 / 100029

責任部門 / 人文分社 (010) 59367215

電子信箱 / renwen@ssap.cn

項目統籌 / 宋月華 范迎

經銷 / 社會科學文獻出版社市場營銷中心 (010) 59367081 59367089

讀者服務 / 讀者服務中心 (010) 59367028

責任編輯 / 趙子光

責任校對 / 李秀軍

責任印製 / 岳陽

印裝 / 北京盛通印刷股份有限公司

開本 / 787mm×1092mm 1/16

版次 / 2013 年 12 月第 1 版

印次 / 2013 年 12 月第 1 次印刷

書號 / ISBN 978-7-5097-4618-9

定價 / 9800.00 圓 (全十卷)

本卷印張 / 33.5

本卷字數 / 716 千字

本書如有破損、缺頁、裝訂錯誤，請與本社讀者服務中心聯繫更換

▲ 版權所有 翻印必究

本卷說明

“湘軍人物傳記”共包括第九、第十兩卷，本卷為第十卷，收輯清人撰寫的湘軍人物傳記資料，共收人物一百二十四名。所收人物有湘軍統領、分統、營官、幕僚、幫辦等，排序以其在湘軍中地位和作用的重輕大小為主，並參照其軍職、官職等情況。人物傳記後附圖錄六十二幅，其中人物圖錄共四十八幅，雖個別人物非湘軍人物，但為了保持資料的完整性，未作刪簡；戰圖共十四幅，均為湘軍重大戰役圖。每幅圖後均配有文字說明，有很高的史料價值。

本卷徵引資料共二十八種，以晚清個人著述如全集、文集、專著為首選資料，次選《清史列傳》《續碑傳集》及地方志資料等。《清史稿》因成書於民國時期，故未採用。

本卷包括“附錄”部分，分為“湘軍人物簡表”、“徵引書目解題”、“湘軍研究論著資料目錄”三部分。一、“湘軍人物簡表”，共收人物九百二十三名。分為姓名、字號、籍貫、生卒年、出身、隸屬、官職、主要事跡、備註等欄，某欄不詳者空格。二、“徵引書目解題”，為第一卷至第十九卷的全部徵引書目，按全書卷次順序排序。所徵資料均介紹了作者、卷次、版本等情況。全書各卷所徵資料均有較詳細介紹，讀者可參閱各卷注釋。三、湘軍研究論著資料目錄，分湘軍綜合性研究和湘軍人物研究兩大類，每類均先專著資料，後論文資料。收錄起迄時間基本為1912年至2009年。

本卷文字校勘，均以“國家清史編纂委員會文獻整理工作通則”及“《湘軍》編輯凡例”為標準。以原刻本為底本，每篇均注明了作（編）者、刊刻年代及版本情況。

本卷附錄一《湘軍人物簡表》、附錄三《湘軍研究論著目錄》整理者為楊錫貴。並此說明。

第十卷 目錄

楊鼎勳	1
武明良	4
譚國泰	6
徐邦道	7
劉明鏡	9
劉倬雲	11
羅孝連	13
段 起	16
劉厚基	18
李佑厚	20
李原潛	22
黃 鼎	24
戴兆熊 石紹漢	26
胡正大	27
何 裕	29
王揆一	30
石清吉	31
劉希洛 李 琨	33
吳修考	35
熊建益	37
梁洪勝	38
曹仁美	40
蔡東祥	42
林長春	43
羅 萱	44

威應洪	46
郝長慶	47
劉敬廷	48
邊曉堂	49
劉芳貴	51
鄧在富	52
劉培一	53
鄧善燮	55
吳蓋臣	57
金國泰	58
榮維善	60
蔣上治	63
戈 鑑	65
喻吉三	67
楊桂芳	68
童梅華	70
郭式源	72
郭芳鈺	74
王 吉	76
丁長勝	77
楊作霖	78
鄧樹塋	79
李陔華	81
儲攻躬	83
劉 蕃	85
羅近秋	86
李大雄	87
鄒壽璋	88
郭明燾	89
谷篤清	91
段瑩器	92
王吉昌	93
劉長健	94
劉吉三	95
田興奇	96

蘇文彪	97
吳宗國	98
羅逢元	99
羅啟勇 羅永泰	101
毛英勃	102
張文煥	103
宋美富	104
黃慶	105
喻俊明	106
唐顯烈	107
劉中和	108
江有貴	109
劉勝祥	110
黃承綱	111
李正植	112
何敦五	113
黃錫宇	114
葉光岳	115
江福山	117
童添雲 彭三元 何有志	118
鍾近衡 易良幹	120
鄒漢助	121
帥遠嶧	123
黃冕	125
郭崑燾	127
李瀚章	129
嚴樹森	133
李宗羲	139
許振禕	144
饒應祺	148
何璟	150
錢應溥	155
薛福成	157
吳汝綸	160
李鴻裔	163

陳寶箴	165
方大湜	168
游智開	170
桂中行	172
袁堯齡	174
周秉禮	175
丁日昌	177
閻敬銘	181
翁學本	188
蔣 照	193
李 桓	195
王必達	197
胡德瑛	199
高卿培	200
左 楷	202
吳大廷	203
黃彭年	243
黃習溶	245
彭洋中	247
劉樹堂	249
楊志伊	251
蔣和玉	252
廖景象	253
紫光閣功臣小像並湘軍平定粵匪戰圖	254
附錄一 湘軍人物簡表	324
附錄二 徵引書目解題	397
附錄三 湘軍研究論著資料目錄	422

楊鼎勳

楊忠勤公鼎勳別傳^①

楊公鼎勳，字少銘，華陽人也。咸豐二年，洪逆擾湖南北，應募從軍。六年十月，從湖北按察使李公孟羣攻漢陽，力戰受鎗傷，拔補把總。李公殉難廬州，公從浙江提督鮑公超管帶親兵，攻湖口，補千總。十年正月，偽英王陳玉成糾捻匪龔瞎子四十萬眾援太湖城賊。官軍圍太湖，鮑公拒援賊，駐小池驛，陳玉成圍之數匝，鮑公開壁擊賊，忽見東南壘外玉成立馬指揮，公直前搏之，玉成駭走，賊大潰，遂收復太湖、潛山兩城，賞換花翎。

曾文正公駐祁門，霆軍四面擊賊，力保祁門老營。偽忠王李秀成糾大眾由蘇、杭上犯，竄羊棧嶺，陷黟縣。公從鮑公破賊廬村，斬級四千，復黟縣城。十一年正月，從攻洋塘、雞口坡、謝家灘賊壘，踏平三十餘座，復建德縣城，擢都司。又從攻下安慶城外赤岡嶺四堅壘，禽悍酋劉瑄琳。六月，李世賢、李秀成合眾犯江西，陷二十餘城，逼近南昌省垣，從鮑公援剿，所向皆捷，江西肅清，擢遊擊，留四川補用。

李公鴻章之援江蘇也，舊在合肥團練有營官四，一曰劉銘傳，二曰周盛波，三曰張樹聲，四曰吳長慶。在安慶商於曾文正公，復添選各營驍勇知名之將，於曾公國荃軍選得程學啟，於老湘軍選得郭松林，於霆軍選得公。於是，乘坐輪船，統七千人駐上海。公一戰解四江口虹橋之圍，以次收復川沙、南匯、奉賢、清浦四廳縣，擢參將。追賊至嘉定，收復縣城，擢副將，仍留四川即補。旋募勇千人，立勳字正、副兩營，駐金山張堰，禦平湖、乍浦與浦東要衝。公以洋人鎗隊整齊，令所部以洋口令教習來福鎗法，淮軍之學洋操自公始。

同治二年五月，與副將覃聯陞攻新昌踞匪，聯陞中鎗斃，公伏兵敗之。李公乃以聯陞所部兩營歸公統領。七月，攻賊嘉善西，蹋平楓涇賊壘，斬馘三千，又平西塘千

^① 繆荃孫纂錄《續碑傳集》卷五十三，作者朱孔彰，宣統庚戌四月成書。此據《清代碑傳全集》，上海古籍出版社1987年11月影印版。

窰賊壘，膝受鎗傷。八月，奉旨以總兵簡用，並賞剛勇巴圖魯。蘇州逆首偽慕王譚紹洸糾各偽王眾數十萬，於城外環築大壘，為犄角之勢。公會程學啟、劉士奇軍盡攻破之，偽八王殺紹洸獻城降，加提督銜。

三年二月，偕李公鶴章進攻常州，先後克復宜興、荆溪、溧陽三縣城，又會合水陸各營解常熟、無錫縣之圍。時逆首偽護王陳坤書擁眾數萬，死守常州，於西南門外當丹陽、金壇之路，連營二十餘里，屢攻不下。三月，公督軍攻西門外賊營，鎗子傷胸，嘔血數升，暈絕於地。將士憤極，拚死猛攻一日，平二十餘壘。會李公鶴章、郭公松林夜造浮橋，公扶傷攻南門，冒礮煙登城，遂克之。常州以咸豐十年四月初六加未陷賊，凡四年，今克城月日時皆不爽，奏入，命以提督記名簡放。五月，創愈，助剿浙境，克長興。六月，克湖州，追賊至皖境，克廣德州城，賞穿黃馬褂。時江浙肅清，逆首李秀成在金陵禽獲，李世賢自杭州逸出，餘黨竄江西，復竄福建，窮寇十萬據漳州府。

四年春，公航海往援，會合浙江提督高連陞，攻烏頭門，焚賊壘十餘座，漳州平。五月，詔授蘇松鎮總兵。六月，調屯鎮江，旋以北路捻氛熾，移屯宿遷。

明年六月，移軍曲阜，未至，調回駐台莊。曾文正公督師剿捻，調赴豫省。九月，由朱仙鎮追賊至定陶，日行百餘里，禽斬無算。

六年，李文忠公督師。二月，捻匪竄湖北，公至黃陂、孝感，截剿俘馘尤多，旋調守山東濟寧州運河。六月，授浙江提督。八月，調湖南提督。十月，剿賊於濰縣杞城，大破之，賊赴水死者甚眾，賊東南奔，追至夏灣，又破之。十一月，東捻平，奉旨賞騎都尉世職。時西捻張總愚自陝西來援，擾晉、豫邊境，直犯畿輔。公方息兵濟寧州，調至武邑，偵知賊踞安平，繞至周村擊破之，斬級千餘，俘五百餘人。是夜四鼓，偕郭松林等軍追賊至饒陽楊家邨，逆目張志清等降，餘賊南奔，追至河南滑縣毛家集。復慮賊竄回直隸，約諸軍經潛縣北，一為攔截之師，一為橫攻之師。將次大邳山，果見賊紛紛北竄，縱擊至滑縣西南李村，斬馘無數；復追及衛輝府境，斬悍賊目王建瀛，降偽天將熊八並騎賊五百名；復追至龍王廟，生禽悍目何士喜、周久等。四月，賊由德州復竄天津界，公由東昌購備行糧，晝夜冒雨急馳，繞出賊前，津郡之防遂固。是時，李文忠公議就運河圍賊，先扼滄州，保固津畿門戶。而滄州之滅河實為要地，非宿將重兵不足控制。遂派公屯滅河，並咨商三口通商大臣崇厚添兵協助，借撥福建協餉五萬為滅防要需。公身負版築為士卒先，修牆浚濠，日無停趾。南岸賊直撲河牆，屢擊卻之，乃以積勞傷發，嘔血數升卒。年三十有四。

公卒逾旬，西捻平，惜公未及見也。李公鴻章奏公智勇忠勤，久歷戎行，能輯和將士，深知大體，精習外洋火器，於練兵制敵方略則別具會心，故戰勝攻取積功最多，實為一時名將。疏入，詔曰：“該提督從軍十餘載，轉戰九省，功績卓著。著照提督軍營病故例，從優議卹，準於江蘇、福建、山東等省建立專祠，戰功宣付國史館立傳。伊子襲騎都尉世職，楊萬凱著俟及歲時，由吏部帶領引見，候旨施恩，用示朝廷篤念

勳臣至意。”尋賜卹如例，予諡忠勤，並贈太子少保。滄州士民又請於減河建祠，上允之。

公性純孝，江南平定後，迎養太夫人在蘇州，假歸省侍，務得歡心。在軍則紀律嚴而有恩，非淮將而領淮勇，先與程公學啟、郭公松林齊名，後剿捻匪，又有劉、楊、周、張四大將之目。劉謂銘傳，周謂盛傳，張謂樹珊也。北征苦寒之地，他軍寒衣皆用棉，公改用羊皮，撫循周至，號令嚴明，世目公所統為楊家軍。公攻克城邑，不取賊中之金，不收降人之餽。故卒後蜀中僅有田四十畝，住宅一所。劉壯肅憫其母老子幼，令各軍賻助，反其喪云。

評曰：楊忠勤本霆營良將，性行淑均，曉暢軍事，年未強仕，積勞而終，惜哉！若天假之年，其功業甯有限量？吾聞本朝西蜀出將，忠勤其昭勇侯後身邪？

武明良

振威將軍武提督碑^①

提督武君，諱明良，字贊臣，溆浦人也。其先出於武丁，銘功作族。漢順之世，斑爲哮虎。唐有伯蒼，攻蠻義陵，實清序水，因爲縣人焉。自茲以後，彰於譜牒。曾祖嗣鎬，受朱氏論語，翔聲縣學。祖昌仁，以耆壽慈仁見敬州間。父諱欽馳，藝稷供養，謹身克孝。

君生而質直，材力兼人。山田蹠薄，不贍於食；負米百里，獲倍其群。然獨有大志，輟作而嘆。咸豐初，群盜波迸，敢犯大都。巡撫張公頓節選士，咸懷觀望，君乃毅然一見，奇其魁偉，遂補百長。浮湘馮漢，多獲首虜。拔把總，以疾告歸。歲在丙辰，大舉援江。時則有田千總興恕，號爲驍果，推君之勇，請與俱行。克萬載、袁州，胸面四創，擢千總，並賞花翎，自此名顯，留江西爲別將。援樂、安，守邵、武，攻光、澤，陷陳先登，有眾三千。久役嬰疾，民爲齋禱。論功超進都司。

侍郎曾公統制湘軍，廣求熊羆不二心之士，再檄從征，大捷太湖，冒礮追奔，火丸絕噬。曾靖毅以介弟之貴，躬吮癰之仁，非夫絕倫之勇，孰能致此矣！兩湖義師，緣江轉戰，曾不半載，收安慶、廬江、無爲、巢、和、含山，上功皆最。積閱閱記名總兵官，褒號振勇。軍聲既雄，懦夫思奮。乘流輕進，柵於石頭。寇乃逞其犬噬，日夜雷攻，穴地穿壕，誓將併命。勇者伏屍，怯者凶懼。君獨當險所，不移尺寸。地中飛火，沙土爲霆，守壘之軍俄而灰滅。君爲火衝激，騰身忽墮，土壅腰腹，咸謂已死，屬有天道，震而復蘇。然後知古人臥積火，鬥霹靂，不足以言勇也。

惟君以堅勁之姿，加之以忠樸，雖口不言功，而氣陵其上。副帥曾公貪其干城，患其強直，投艱於躬，讓賞於人。合圍二年，有百其戰。鐘山連城，寇槽石垣，僞號爲天保、地保，峻於易京。君赴鉞在前，奏勳在後。乙酉之役，作地道者皆君所部，然附於李臣典。登城九將，君倡其誓，然附於朱洪章。知者謂君與羅逢元懃，掩其功，

^① 王闓運撰《王湘綺先生文集·碑》，庚子下春刊於盩陽。

眾惜其屈，君不心其競。全功既成，謝病辰陽，優遊奉養，忘封侯之貴。

舊勞形傷，宜壽而凋。年五十有四，光緒元年正月甲辰卒於里第。其年二月戊寅，附於祖墓，山向丙壬。於是本府劉君，以君兄弟三人，兩爲國殤，老父幼子，莫上功狀。追惟昔年同袍之義，有感今日鼓鼙之思，乃命所司，書行考迹，授意作文，伐石龍關，以媿五谿銅銘之烈。

其詞曰：惟皇中興，文武烝皇。鶉火作耀，四海揚光。矯矯虎臣，蹶起沉疆。始奮一劍，經營吳方。蹋城天驚，地作雷礮。百萬解甲，東南大康。有賞弗居，還謁於鄉。既孝於養，亦慈於喪。建櫜觀禮，升我府堂。昔穆二年，磨山蛾鬥。惟澈之人，夫知籲救。君時西歸，弦不及殼。冒霧乘障，如風吹垢。神鷹搏空，其威雲覆。國賴爪牙，戶樂翁媪。庶幾山藜，不采之祐。如何斯良，有祿無壽！誰營祁連，以示爾後。

譚國泰

譚國泰^①

譚國泰，湖南湘鄉人。咸豐五年，投效湘副後營，得五品軍功。七年，隨剿粵匪於江西，克瑞州，並擊退峽江之陰岡嶺援賊。八年，隨同攻克吉安，命以千總補用，並賞戴藍翎。十年，調赴安徽，以擊退小池驛援賊，及克復太湖、潛山等城，在事出力，得旨以守備歸湖南撫標拔補。十一年五月，隨同官軍蕩平菱湖兩岸賊壘。八月，復隨同攻入安慶省城，擒斬悍賊。湖廣總督官文上其功，命以都司補用，並加遊擊銜，賞換花翎。會逆匪攻陷池州、銅陵等城，國泰隨同各軍先後復之。同治元年三月，隨克巢縣、含山各城及銅城牯等處要隘，敘功以遊擊補用，並加參將銜。

四月，隨浙江巡撫曾國荃克太平、蕪湖等城，並收復金柱關等隘口，命以參將補用，並加副將銜。時巢縣賊踞東關銅城牯，官軍水陸並剿，國泰親帶勇士數十人，毀柵越濠，架梯先登。賊飛礮雨下，不少卻，官軍繼之，立克東關。嗣隨曾國荃攻江寧，賊數十萬踞雨花臺，國泰合諸軍戰守月餘，竟破之。得旨以副將仍留兩江補用，並賞揆勇巴圖魯名號。二年，以豐克城隘，命以總兵記名遇缺簡放。三年，隨曾國荃克復江寧外城，並攻奪天堡偽城；旋偕提督朱南桂等擊賊於獅子山，進攻儀鳳門，克之。命交軍機處記名，無論提督、總兵缺出，儘先題奏，並賞給正一品封典。

嗣赴防江西。四年，撤伍回湘。七年，以左腿礮傷陡發卒。曾國藩以國泰從征八、九年，奮勇爭先，受傷數處。歸里後因傷身故，奏請照提督軍營立功後病故例從優議卹，允之。尋賜卹如例，廕一子六品頂戴。

① 《清史列傳》卷五十一，《大臣畫一傳檔後編七》，據民國十七年上海中華書局排印本。

徐邦道

徐邦道^①

徐邦道，四川涪州人。咸豐五年，由武童投效湖北軍營，隨攻漢陽府城，克之，獎千總。七年，按察使李孟羣援安徽，連下英山、霍山兩城，邦道以功陞守備，賞戴花翎。是年，攻賊六、霍之間，毀蘇家埠賊巢，加都司銜。八年，克三仙莊，進都司，加遊擊銜。九年四月，再復霍山縣，擢參將。十二月，粵逆竄至六安州二十里鋪，副將盧文熊令邦道等分路迎擊，掩殺數十，獲旗槍刀矛稱是。巡撫翁同書以捷入，報聞。尋回本籍籌防。同治元年，逆首石達開從南沱一帶偷渡朱家嘴，撲涪州城。四川總督駱秉章檄軍進剿，邦道帶練首先陷陣，奪據山梁，官軍乘勢縱擊，盡毀仰天窩賊壘，俘斬數千。城圍立解，邦道擢副將。二年，越境援陝西漢中，俘偽瑞王藍城春之弟。巡撫瑛榮奏聞，奉旨候補副將徐邦道，著賞給冠勇巴圖魯名號。旋因漢中府不守，褫職。時副將楊鼎勳從援江蘇，邦道往隸其營。三年正月，攻宜興、荆溪，燔附郭賊卡，再敗之上湖橋，遂克兩縣城，乘勝復溧陽，追擊金壇城外賊壘，平之。二月，援常熟，疊克王莊、顧山、陳市，圍解。三月，進薄常州陳渡橋，楊鼎勳中賊槍，揮將士格鬪，破賊營十餘，復會各軍，墮小南門、西門賊壘。四月，巡撫李鴻章督攻益急，各軍奮進，遂克常州府城。五月，助剿浙江長興，擊退賊援，剽平上莘橋、鴻橋、跨塘橋賊壘，謀而登，克其城。七月，進拔湖州府。四年四月，隨提督郭松林、楊鼎勳航海援福建，連克漳州府、漳浦縣。五月，克復詔安，閩境肅清。閩浙總督左宗棠彙保，開復邦道原官。

六年四月，隨提督劉銘傳剿捻湖北，大勝於黃安紫屏鋪，賊竄山東境。十月，踞濰縣松樹山，劉銘傳令邦道輕騎致師，大呼殺入，銳不可當，官軍乘之，三路並進，燼賊館十餘，殲賊眾二千。逆首任、賴、牛三股糾集悍黨分道來犯，邦道等縱橫盪決，連擊破之，疾馳而下，追至江蘇贛榆。邦道等以偏師由城西進，兜剿牛、賴兩股，使

^① 《清史列傳》卷六十，《新辦大臣傳四》，據民國十七年上海中華書局排印本。

首尾不能兼顧，大軍萃於任逆，大破之，任逆伏誅，餘衆擒斬略盡。湖廣總督李鴻章保以總兵記名簡放。十一月，邦道以騎隊追賊，連敗之諸城注溝，壽光安塢鎮及洋河、巨瀾河之間，陣斬僞首王范汝增、僞列王徐昌先，賊目鄭馬糊，生擒萬餘，殺斃不可勝計。十二月，賊越沭陽六塘河，趨淮安，爲漕運總督張之萬軍所敗，餘賊竄揚州灣頭，道員吳毓蘭邀擊，俘僞遵王賴文光斬之，賊衆悉殲。東捻平，論功，邦道保以提督記名簡放。七年正月，擒首張總愚由陝東竄，馳突直、東、豫三省。三月，大軍邀賊於濬縣大伾山，楊鼎勳督邦道等扼山左，搏戰兩時，賊潰走，擒悍酋常虎兒等十餘，老賊數百，陣斬甚夥。賊從東昌李海務渡運東趨，官軍縱騎疾擊，邦道等掩其旁，賊復潰。於是官軍西防運河，東守滄州減河。四月，賊撲減河牆，邦道嚴扼橋口，擊卻之。六月，諸軍蹙賊在平，滅之。西捻亦平，捷奏入，奉旨徐邦道著賞換鏗僧額巴圖魯名號，並賞給正一品封典。旋奉部議，層遞駁正，開復副將之案，改爲寬免處分；總兵保案，改爲開復原銜；提督保案，改爲開復副將。八年，中原肅清，命以總兵記名。

既，領楚軍馬隊入陝援剿。十一年二月，提督曹克忠檄防鳳縣、寶雞。十二月，收撫奇營潰勇，在事出力。賞加提督銜，借補甘肅中衛協副將。十三年，署江蘇徐州鎮總兵。光緒四年，特旨擢提督。六年，調駐直隸天津軍糧城。十五年，補授正定鎮總兵。二十年正月，上諭：“朕欽奉慈禧端佑康頤昭豫莊誠壽恭欽獻皇太后懿旨，直隸正定鎮總兵徐邦道著賞給如意一柄，用寶壽字一方。”十月，調防遼陽田莊臺、白廟子。因蓋平失守，赴援遲緩，革職留任。

二十一年，在防病故。諭曰：“依克唐阿奏總兵在營病故，臚陳戰績，請旨優卹一摺。革職留任直隸正定鎮總兵徐邦道前在軍營，轉戰湖北、四川、江蘇、直隸、山東、河南等省，屢著戰功。擢任直隸正定鎮總兵，訓練操防，均能稱職。茲在防所病故，軫惜殊深！徐邦道著開復處分，照軍營積勞病故例從優議卹。”尋賜祭葬。

劉明鐙

劉明鐙^①

劉明鐙，湖南永定人。咸豐十年，由武舉赴襄辦兩江軍務四品京堂左宗棠軍營，隨同剿賊。攻克江西德興及安徽婺源等縣有功，保千總，並加守備銜。時逆酋李世賢率眾竄江西樂平，明鐙拔營進剿，擒斬悍賊甚眾，建德、德興股匪不能支，大破之，詔以都司儘先補用，並賞戴花翎。

同治元年，攻克浙江開化、遂安、江山及衢州府城，詔以參將留浙江補用。二年，統帶新左三營，又克復湯溪、龍游、蘭溪、金華，斬逆目佶天豫、謹天豫，拔難民數千。十二月，乘勝進攻餘杭，克之，遷副將。武康、德清、石門竄賊以次蕩平，閩浙總督左宗棠上其功，得旨交軍機處存記，遇有閩浙總兵缺出，請旨簡放。三年，湖州之賊分竄衢、嚴，意圖復逞。明鐙率所部會同黃少春各軍出蜀口，扼要兜剿，復追擊逆首洪福瑱於昌化，斃悍賊萬餘，斬賊目莫桂先、李士貴等於陣，賞加提督銜。四年三月，補授福建福寧鎮總兵。四月，統領五營，由福建興泉赴安溪邊界，相機進剿。七月，馳抵武坪，進攻下瀨，擊汪逆海洋於廣東鎮平縣，克之。會簡桂林、賴長立等營駐軍西洋市，偪攻嘉應州城，賊負隅自固，不能制。明鐙疾督隊直前，並力合剿，遂復其城，賞加斐凌阿巴圖魯勇號。五年，調補臺灣鎮總兵，並帶楚軍新左營。

九年正月，回籍募勇，赴甘肅援剿回寇。八月，行抵平涼大營，與寇戰於靜寧、秦安、清水，連敗之，即以得勝之師進攻狄道、渭源，賊望風遁去，河州金積堡逸匪及岷州潰卒皆就撫，詔以提督遇缺題奏。十一年，派委統領安西各軍。十二年正月，克復巴燕戎城，交部優敘。三月，進規循化，攻破上四工、下四工、卞勤等處，窮回乞撫，盡繳軍器、馬匹。四月，又收復迪化。十三年，關內肅清，仍帶安西中營駐防碾伯。光緒元年，移駐西寧。

^① 《清史列傳》卷六十，《新辦大臣傳四》，據民國十七年上海中華書局排印本。